

auch als Eölnner städte aus diesen geführet vnd sehrer bewohnet worden/ Als Eterslein/ Erbersdorff/ Gayer/ Trapennauer/ Wolckenstein/ Thuem/ Ischopa/ Schlessa/ Schwarzenberg/ Scheibenberg/ Buchholz/ Wiesenthal/ Grunhain/ Eibensstock/ vnd andere mehr/ auff welchen zum theil/ doch wenigen/ das Bergwerck li-  
gen blieben/ auff den meisten aber noch im schwang. Wiewol besser herunter  
von dem Gebirge im Lande zu Meyssen vnd Osterreich/ fürnemlich aber vmb Freyberg vnd Zwickaw/ auch andere Bergwerck mehr sind/ den Freybergischen vnd Schnebergischen Bergampten in corporit/ von denen allen in der BergChronicken sol gehandelt werden.

Andere Stedte vnd Flecken auff dem Meyssischen Erzgebirgen



## Son auff vnd zunemen / oder vom glück in gemein dieses Landes/ vnd desselben löblichen Herrschafft.

### Der XV. Tittel.

**N**ach dem wir die gantz Historien des Meyssnerlandes / wie im ende des 12. Titels erwehnet worden/ von anfang so tieff wirs immermehr aus den eltesten Historien/ vnd glaubwürdigen Annalien/ erholen vnd continuiren können/ bis auff die zeiten/ da Timonis Son *Conradus*, als ein natürlicher Erbe/ doch auch hiengen aus sondern gnaden vnd geneigten willen Keyser Lotharij des Sachsen/ welcher mit dem Zunamen der Bretspieler genant/ ein mechtiger Herr dieser Lande worden/ vnd dessen Nachkommen/ Gott lob vberblieben/ vnd noch vorhanden/ also kürzlich/ doch nottörfftiglich/ wie ich verhoffe/ beschrieben haben. Wollen wir nu ferner in solcher Meyssischen Historien fortfahren/ aber nicht nach der gemeinen vnd breuchlichen ordnung oder weise/ wie wir bisher fast nach der zeit succession gethan/ Auch nicht dieses Meyssischen vralten Stammes Historien vnd Geschichten alle ordentlich/ von ihren Vorfahren an erzehlen/ Denn solches beydes in des Sächsischen Stammes vollkommliche beschreibung/ welche wir im dritten Theil dieser *Commentariorum* an gestellet gehörig: Sondern wollen/ wie zu befinden sein wird/ die fürnemmbsten Historien (denn sie alle nicht an diesem sondern jeko erzehlten ort eigentlich zu referiren) der hochlöblichen Marggraffen zu Meyssen/ des Timonis Nachkommen/ so hernach Landgraffen in Tyringen/ vnd Herzogen auch Churfürsten zu Sachsen worden/ kürzlich in etliche *Locos communes*, oder gewisse punct fassen/ vnd eintheilen/ damit wir also die ganze Historiam des Landes continuiren/ vnd eine General Chronicken haben/ bis fast auff unsere zeiten/ da denn künfftiger zeit leichtlich sein wird zu einem jeden *Loco* folgden hinzu zu schreiben.

*Continuatio cum Titulo X.*  
In diesem Commentario wird die ganze Meyssische Historia begriffen/ von der Römer zeiten bis auff unsere gegenwertige zeit/ doch nicht auff einerley weis oder ordnung. Die Meyssische Historia wird auff ein ander weis forthin continuirt.

Historia des letzten Stammes der Marggraffen zu Meyssen in etliche gewisse punct abgetheilet vnd kürzlich gehandelt.

**S**o ist nu/ wie etlich mal berührt/ dieses Landt (welches grund vnd boden/ wie folgendes mehr angezeiget vnd dargethan werden sol/ wegen seiner